



## Universitätsbibliothek Paderborn

### Metropolis Salisbvirgensis

Continens Primordia Christianæ Religionis Per Boiariam Et Loca quædam vicina; Catalogum videlicet & ordinariam successionem Archiepiscoporum Salisburgensium, & Coëpiscoporum, Frisingensium, Ratisponensium, Patauiensium, ac Brixinensium

**Hund, Wiguleus**

**Monachii, 1620**

Sequitur Diploma Imp. Henrici III. super quibusdam possessionibus circa Risenperch, & inter flumina Lithaha & Fischa deorsum, cuidam Reginoldo concessis.

**urn:nbn:de:hbz:466:1-13553**

bis in eadem ciuitate Patau. pertinenti habeat, & firmiter Intra Ciuitatem & extra, perpetualiter teneat, sine omnium hominum contradictione. Et vt hæc pro donatio firma sit, hanc paginam manu propria corroborantes, Sigilli nostri plumbeâ impressione iussimus insigniri. Signum Domini Ottonis, Imperatoris Augustissimi. Heribertus Cancellarius, vice Willigisi Archiepiscopi recognouit. Data III. Non. Ian. An. dominicæ incarnationis DCCCCLXXXIX. indict. XIII. anno Ottonis tertij regnantis. XV. Imperij. III. Actum Romæ feliciter, Amen.

*m. m.* Vide Chronicon Episcoporum Patauen. vbi latè de his & similibus: velim tamen lectorem admonitum, non satis bene distingui tempora; Arnolphos item Patrem & filium confundi.

De Berengero Episcopo in M. M. SS. Annalibus Episcoporum Patauen. in membrana quos annales Dn. Hundium non vidisse, aut saltem non eosdem fuisse, quorum & mentionem facit supra pag. 286. haud improbabile est, subsequentiâ leguntur: BERENGERRVS sedit Patauæ annis XXXIII. Similiter sine pallio: hic obtinuit privilegium super decimis omnibus in Orientali prouincia situatis, in Septentrionali parte fluminis Danubij, ab Imperatore Conrado, successore Henrici sancti, anno eius secundo, Dominicæ incarnationis MXXV. subscripto Vdalrico Cancellario vice Aribonis Archicancellarij. Actum Triburiæ. Similiter in Comitatu Alberti Marchionis, in omnibus locis constructis & construendis, de omnibus, à quibus decima debet persolui, vt ipse, & sui successores super his liberam ordinandi facultatem habeant. Ipse Berengerus ab Henrico II. obtinuit quoddam prædium in Comitatu Henrici Marchionis, & locum ad construendam Ecclesiam in Herzogburgk, vbi presbyter mansionem facere possit, & vnum regalem mansum in Krembsa & Sigemare, Werd, & Tubra extra ciuitatem & Vomesseuz, in singulis locis regales mansos, & in vno quoque locum ædificandi Ecclesiam opportunam, & de vicino ad construendas mansiones pro presbytero. In Krembsa autem quia aratum prædium non habetur, vbicumque in proximo de proprietate regis inuenitur, pro supplemento ascriptum conceditur. Sed iuxta dicta incidit grauis quæstio, quomodo isti & sequentes Episcopi obtinuerunt per Privilegia, quæ aliàs Sanctæ Laureacensi Ecclesiæ per sanctos Imperatores Philippos sibi in proprietatem Ecclesiæ donata fuere? iuxta superius dicta. Cur ergò, quæta patriâ, post Hungarorum conuersionem Episcopi, qui Laureacensi titulo gloriabantur, à Deo deuotis Imperatoribus, vt Arnulpho, & eius filio Ludouico, & præcipuè ab Ottone primo, & sequentibus Ecclesiæ suæ propria & similiter Patuensi Ecclesiæ sibi restitui iniuste ablata non postularunt? Horum neglectum etsi quidam desidia & stoliditati Pontificum videntur ad scribere, quod videlicet huiusmodi detentatores quæta patriâ non postularunt à suis possessionibus remoueri &c.

*Sequitur Diploma Imp. Henrici III. super quibusdam possessionibus circa Risenperch, & inter flumina Lithaba & Fische deorsum, cuidam Reginoldo concessis.*

**I**N nomine sanctæ & indiuiduæ Trinitatis. Henricus diuinâ fauente clementia Rex. Notum sit omnium Dei nostrorumq; fidelium solerti industria, qualiter nos fidei nostro Reginoldo, ob ipsius nobis gratum & fidele seruitium, dimi-

dimidietatem Rifenperg, & insuper tamen inter flumina Lithaha & Fischaha, scilicet deorsum iuxta littus Fischaha, donec decem Regales mansos habeat, de nostro iure & dominio in eius dominium Regali nostra munificentia transfundimus, & ubi sibi mensurare precepimus, cum omnibus suis appendiciis, hoc est, areis, edificis, terris, campis, agris, cultis & incultis, vineis, pratis, piscuis, aquis, aquarumve decursibus, molis, molendinis, piscationibus, syluis, venationibus, exitibus & redditibus, viis & inuis, quæstus & inquirendis, cum omni utilitate, quæ villo modo inde poterit provenire, sitis in comitatu Sigifridi Marchionis, ea videlicet ratione, ut prædictus Reginoldus de præfato prædio liberam de hinc potestatem habeat obtinendi, tradendi, commutandi, precariandi, vel quidquid sibi placuerit inde faciendi. Et ut hæc nostræ traditionis auctoritas stabilis & inconuulsa per succedentium momenta temporum maneat, hæc cartam inde conscriptam, manu propria, ut infra videtur, corroborantes, sigilli nostri impressione iussimus signari. Signum domini Henrici tertij Regis inuictissimi. Theodoricus Cancellarius vice Warthonis Archicancellarij recognoui. Dat. II. Non. Iun. anno dominicæ incarnationis MXLV. indict. XIII. anno autem Henrici tertij, ordinationis eius XIII. Regni vero eius sexto. Actum Perfinich.

*Errat Bruschius cum Itz. fluuiolum Bobemicum vocitat: ad Nariscos enim pertinet, apud quos, cis Boëmia saltum oritur prius Ochar dictus, post Illsus, item & Illsus: à septentrione. ut Appianus obseruauit, directè meridiem petens. Passauij vrbe Episcopali Danubio sese coniungit; neq; tamen, ut Regenus, aquas suas cum Danubij permiscet, sed atrum suum colorem ad ripam Septentrionalem diu longèq; retinet.*

*Sequuntur Priuilegia Engelberto Episcopo ab utroque Imp. Henrico III. & IV. concessa.*

## I.

IN nomine sanctæ & indiuiduæ Trinitatis. Henricus diuinâ fauente clementia Romanorû Imperator Augustus. Nouerint quicunq; Christi nostriq; fideles, tam futuri quam præsentis, qualiter nos ob interuentum nostri thori ac Regni confortis, scilicet Agnetis Imperatricis Augustæ, nec non ob petitionem & deuotum famulatum nostri fidelis & dilecti Engilberti Parauien. Ecclesiæ episcopi, ex nostrâ imperiali auctoritate prænominato Episcopo tradidimus atq; concessimus ius & potestatem legitimi banni super venatione & foresta in prædicto S. Stephani prothomartyris, eiusdem Episcopi patroni, videlicet, in comitatu Adalberti Marchionis, & intra geminas fluminum Sabinichi & Darbinichi ripas sito, ea videlicet cõditione, ut nemo, absq; licentiâ & voluntate præfati Episcopi, successorumq; suorû, infra prædictos eiusdem foresti terminos, banni conclusionem vetitos, præsumat venari, aut aliquod genus ferarum, quod in forestarum iure banni interdicitur, lege qualibet, venatoria industriâ capere vel decipere. Et ut hæc nostra Imperialis traditio atque concessio eiusdem banni, quod donauimus in potestatem Egilberti Episcopi, apud ipsum, successoresque suos prædictæ Parauien. Ecclesiæ futuros Episcopos, stabilis & inconuulsa perhenniter maneat, hoc præceptum inde conscriptum manu propria corroborantes sigilli nostri impressione iussimus insigniri. Signum Domini Henrici tertij Regis inuictissimi II. Romanorum Imperatoris Augusti, Wintherius Cancellarius, vice Wardonis Archicancellarij recognoui. Data XVI. Kal. Iulij, Anno Dominicæ incarnat. M. XLIX. ind. secundâ. Anno autem Domini

Hh 3

Hein-